


叢書集成續編 第一六七册目錄

文學類



詩別集——宋

皷稿一卷·····	宋利登撰	宋人集	一
芝田小詩一卷·····	宋張煒撰	武林往哲	一三
雲泉詩稿一卷補遺一卷·····	宋釋永頤撰	武林往哲	二三
湖山類稿五卷附錄一卷水雲集一卷附錄三卷·····	宋汪元量撰	武林往哲	三五
謝參軍詩鈔二卷·····	宋謝翱撰	浦城	一〇三
古梅吟稿六卷附校記·····	宋吳龍翰撰	宋人集	一二一
眞山民詩集一卷補遺一卷附錄一卷校文一卷·····	宋眞山民撰	邈園	一五三
九華詩集一卷·····	宋陳巖撰	宋人集	一七九
附釋希坦詩一卷·····	宋釋希坦撰		二〇一
自堂存稿四卷·····	宋陳杰撰	豫章	二〇三
石門文字禪三十卷·····	宋釋惠洪撰	武林往哲	二四三
待清軒遺稿一卷·····	宋潘音撰	宋人集	五五五
鐵牛翁遺稿一卷·····	宋何景福撰	宋人集	五六五
詩別集——元			
紫巖于先生詩選三卷·····	元于石撰	續金華	五七九
一瓢稿臚稿一卷·····	元翁森著	仙居	六〇一
白雲集三卷附錄一卷·····	元釋英撰	武林往哲	六〇七

屏巖小稿一卷.....	元	張觀光撰	續金華	六二三
竹素山房集三卷補遺一卷附錄一卷.....	元	吾衍撰	武林往哲	六五三
方叔淵遺稿一卷.....	元	方瀾撰	晨風閣	六八三
弁山小隱吟錄二卷.....	元	黃玠撰	四明	六八九

wt 94/07

高

山

李家超時年十
一歲書

南 宜 館
城 秋 刊

骸稿

宋南城利 登履道

青陽洞天呈青陽主人曾少裕

兩岸蒼蒼峭天柱停策崖邊喚舟渡青巾羽客打舟
來驚起靈蛇絕溪去千年神漿不自惜萬里晴天安
得雨但見飛流落半空中此水來何處巖下猶涵
太古泉安知上不通銀浦蒼藤半濕苔蘚昏石罅無
根迸孤樹洞門一隙僅通人可惜鑿空開洞府乾坤
明晦自有時突然棟宇那非數開闢豈無人到來巖
崖尙絕猿猱路先生朝昏息丹巖萬壑歸心心不語

骸稿

瑤磬一聲天壁寒白雲紫霧驚相顧

雜興

渺渺江河流蛟龍所爲沼高山苟無松不如低平阜
潔身服休美榮辱非所囿孤航何翩翩獨往不我覲
眷言友仙喬寤寐耿耿長抱安得翔風鸞棲神此蓬島
我昔游蓬萊道過崑崙山青壁峭千仞中分兩徑前
上徑險且難行可求神仙下徑極夷易蛇虺交蜿蜒
毫釐一殊軌安危異千年棄之從上征高步追飛鸞
勿謂下途易下途前更艱
滯凍釋陽淵嫩和收陰囿草色誰與媒青青一何驟

美人振長袖立傷年少芳紅不少留況乃飄殘照
飄零可奈何四氣如環珂白雲雖有反不反亦已多

曲流傷直水遠蔭無遠柯誰令天有漢杳杳隔秋娥
桂林有秋色洞庭有秋波濯衣千仞溪滌垢非悅眼
消辰萬里游寧以霖雨緩丈夫秉道心摧挫志逾勉
豈如甘與橙南北隨所變大鵬擊逍遙鷗粒有餘羨
嗜好非固殊夫亦各所願

朝吾出東門回首瞻長坂淒然數根松枯華困凌踐
時春百卉肥綠苔亦青婉如何虬鳳姿獨爾失嶄岸
伐萌根下摧樵炊枝上剪忍此荆棘蕃寧此棟梁爨

骸稿

棟梁君自遺文本固不賤

西登巫陽峯帳望高唐女靈顧不須與而自虧澄素
此歎爲君懷惜此蘭臺賦不惜蘭臺賦惜此天下雲
茫茫八紘中是非誰得論

松柏托茂林高不尋丈至寸喬附太山未長已千里
置身患不高餘事安足擬遊必蓬萊遊棲必崑崙棲
仙遊必祥雲仙茹必靈芝鳳凰雖自飢妄食固不肥
癡爲嚇腐鼠可笑空自疑
我昔此園遊寒梅吐孤豔重來幾何間叢青條已變
誰云花與葉同樹不相見

昨宵狂風起折我桑樹枝徘徊履桑園賤妾當何依
豈無蘿薜生亦有桑苧肥素情在君子綺帛良重斯
無桑蠶安食無蠶我安衣長歎反初路渺渺天四垂
北溪蒼山謀避寇念青陽蒼山徘徊不忍作

古調開之

憶我昨選勝瓶錫來蒼山上巖豁萬里下峽窮重元
謂此已勝絕可以無梅川後同北溪游青陽稅塵鞍
險流貫地軸危瀑垂天關雲氣夜結構如有飛來仙
迥然幽且深直可無塵寰乃知天壤寬淺目非所沿
亦豈無勝此天不句我閒豺虎白日行俘倖無崖巔

微稿

三

此境亦莫保惜此時運艱二君皆駿人銓時洞遐觀
考槃擇澗谷取數良已慳天尚不予與而遣纏世患
十月崆峒路霜風吹羈單回首舊游處野狐嗥暮煙
天地豈不寬我身靡所安思古英達士豈皆薄龍盤
求隱有不可勲名乃窮年困衡心慮間庸非大任緣
勉哉慎所從致主或不難逃死復誦此自笑還自憐
念我昔時語夢驚老雲問茲事今已晚誰能復長歎
梅川莫令君拉蒼山諸詩友用予松風首句
爲韻招予游金精至而盜作不果遊走佛巖
有感

此行爲山來至此事已非雲火四地動御風誰與期
剝牀漸及膚欲去迷所之蒼黃走澗谷勝游翻在斯
石梯盤七折頓豁萬里奇擁巖千脩篁中著寒泉飛
天壤有此景惜我前不知逃難乃邂逅自愧還自悲
山風送萬古宋詩紀事作里開闢知誰爲亦有如我徒慷慨
來登茲罹難本因此不悔乃攀窺天亦無如頑更供
聲愛日暉平生江海眼此志良未癡忽憶家山遠寒
鳥鳴相依母子各一方而皆窘賊圍欲歸莽無從痛
毒沾我衣

盜犯金川境扶持母妹復走興安有懷

微稿

四

歉歲古多盜于今起豐年村村遞遷偪旗鼓莽相連
賊以一村脅一村受旗鼓村村相脅遂徧數縣蚍蜉信有力復此走興安淋
漓雨萬壑駭浪驚前山携持母妹孤寄此一葉寒猶
勝去年冬我身落梅川母子各一方而中隔妖躔呼
酒相勞苦茲猶幸團樂百年幾星霜十九落憂患入
生亦何樂四顧愁我顏平生百事貧所得惟林泉亦
復不過取溢量嘗恐巔天公尚不與謂我取傷廉前
登馬崗雲回首東南天惻惻不得語蕭然淚潺湲

予與子實避盜同走崆峒予以其年十一月
歸待金川踰月而子實走豫章閱三載子實

携婉妹歸梅川道道經吁予自金川侍親歸
會之酒酣作是詩以醅別壬辰十一月二十

七日

聞君歸梅水經我鳳凰山走馬來相會匆匆具杯盤
君行今已返我歸夢尙寒回首舊遊處白骨猶荒烟
昔年崕峒別心已死生看今日寒林霜收悲暫欣懽
善還已不期惡別似不難世事未可極臨分更盤桓

田家卽事

小雨初晴歲事新一犁江上趁秋春豆畦種罷無人
守縛得黃茅更似人

懷

癸巳十一月二十五日辭家雪甚作愴然有

懷

歲暮遊子歸余始爲行客朔風萬里長吹雪犯巾幘
臨行不言苦不忍母心惻乾坤迫短景寒日易傾仄
冰池綠骨曉凍車瓊網澀一寒忍已熟浪出還自責
撫劍睨前岡雲重原作從依宋詩紀事改楚天黑

董叔宏爲予道溪莊勝趣賦古調

一澗潺湲瀉煙樹流到溪莊平不度竹風淒瑟夏猶
寒石氣蕭森朝自霽時平古寨尙留名世否誰人此
逃數乾坤一轉地有靈日月無邊江又暮幽潭聞說

尙龍宮石屋安知非洞府願君半天更高樓送此到
海長溪去

野燒

初如螢燈一點明須臾數點如疏星忽然連亘勢不
斷儼如金蛇破夜驚縱橫又如長虹百尺渴奔飲江
龍蜿蜒天矯勢欲凌青冥奇光異宋詩畧作野色不可以
正視倒影茅屋但覺燿燿光熒熒我聞昔者王家有
寶鏡鏡橫八寸名紫珍塗以金膏傳朱粉碧光絳氣
連屬日月含天庭又聞西方聖者釋迦子祇林演法
導羣生祥光自頂湧不盡三千世界合作一色白月

散稿

本

明今之奇光異色無乃是不然安得有此瑞彩奕兀
來崢嶸天公有妙手變化誰能名忽從青青現有象
還復槁滅歸無形遺燼尙足澤萬物生意行又盈乾
坤乃知元氣本不死不逐火化常存存君看餘澤滋
萌達豈彼死灰能神靈秋風浩蕩吹萬寶拭目千室
倉箱盈

贈南豐宰趙虛齋二章

芳鮮桃李花燿燿春風道春風不可名桃李花自笑
人間雙曉淨玉立軍峯峭
有口寧食薇有身寧衣褐居然觀八荒獨立招皓月

清風亦知人蕭蕭動幽樾

友人自臨川來携瘕臺趙先生與曾丈諸葛
帳幹丈聯和康樂三谷詩句奇格老追遺韻
千年間因難見巧玉疊瓊重殆非簪才者所
宜逐響矣不鑒蕪庸欲藉手以竊風斯之誨
輒依韻爲四章因承教二丈

謝遊半天下晚歲來茲山平生未識見驚此紅玉泉
散珠流荒詞策瓊想遺賢上探霞生巖下厯雲度阡
名存有瑤刻事往如金煙南康遺事有埋金窖中忽口畫發之失金世有
好奇士剪茨闢繩筌魏都賦闢繩之筌緒均希此紅泉名欲作

散稿

七

疑信傳勝境會卽是何必戶牖前洗耳天河邊聽之
流潺湲語發謗已兆况復然不然

先生學者師文筆峭如山有時騁奇怪倒引天上泉
達觀古有作奇探今孰賢我亦頗自好種芝東南阡
笑倚巖間月冷歌松下烟陸耘秀新插水捕排舊筌
聞師有紫書願啟黃笈傳三月下汝江支離拜師前
歸來鳳岡上藉蘭漱潺湲服師雙鱗芝至今腹果然
吾聞煙霞外粵有天桂山其中多仙子傲睨游乳泉
三仇久已絕七試嗟獨賢願持琅玕樹種之瓊瑤阡
從此仙子游上下凌祥煙羽元師華存靈變師道筌

湧龍出寶臺呂公云法七層煙浪中化大龍寶臺三級江接躍出紹彼真一傳
旬如幽求癡仙景愕不前亦不畫肉芝平地生潺湲
所求聖胎凝視世蟬蛻然

家住姑山下朝暮遊姑山澄潭貫地脈飛流接天泉
永棲無昔老暫遊謾時賢古籐蔓直木蒼檜隨曲阡
猶存萬古月尙照千年煙誰其錄青華嘿然悟元筌
紫鋒變窗塵金丹九液二七變紫鋒三七變窗塵重此鑪簡傳九障倘
不存五靈森在前昨者携友朋攀蘿掬潺湲神交善
爽徒宇宙空茫然死爲善爽鬼仙傳也

沽酒

散稿

八

有錢但沽酒莫買南山田勾引催租人驚散青松煙

春日

幽偏無一事終日自長哦課僕鋤荒園邀人補斷葦
爲貧沽酒少因病著衣多昨夜岡頭雨春風生綠波詩存

寄黃希聲

相會不幾日相別又經時居然感我懷何以寫所思
舉目皆我友我心知者誰知心而久離此情悲不悲
八月寒氣高芳蓮謝幽池時運迅不留俛仰黃華暉
少年不再得而不從以嬌蕭條旅館秋滿耳寒蟬啼

晚步

住在山塘深更深門前落葉與階平高人聽鶴來相
過野老因樵熟識名一水欲流山影去斷雲時伴燒
痕生翛然獨步蓮峯下宋詩選十里松風秋月明

觀雪溪傍

平昔起常晚茲晨獨不眠乍驚花遶院頓覺樹連天
竹壓溪頭路冰垂巖下泉四時長以此未必有人憐
愛雪不能寐凌晨步水濱斷梢驚宿鳥倒竹礙行人
登登詩存畚作禽堪數層層屋頓勻梅花無處認唯覺暗
香春

散稿

九

山齋坐不穩復此出衡門溜溜冰還結風高竹自翻
凍流看欲濁飢鳥啄仍喧好是今風景令人憶故園
密雪飛零亂開窗坐小軒鳥寒飛不去鴉啄俛仍翻
稚子爭團塔山翁半掩門那堪長皓色終古照乾坤

郊外

春日

春色到江斷野香涵日嬌鳥穿芳樹語人隔遠山樵
雨過苔猶濕風來戶半開閒花忽落盡嘯鳥自飛來

仙塘茅舍

住在山深處門前數曲灘近村煙勢濶傍水樹陰寒

釣客頃基癖高人借鶴看只愁山水怪嫌我着儒冠

門對平蕪濶荒田帶水聲牧童兼鴨養野老叱牛耕

山暖松花重園春菜子生杖藜斜日裏籬外白雲橫

莫言賓客少幽僻長莓苔也有樵人到惟無詩士來

山風花落盡溪雨鷺飛回又覺年光暮庭陰滿綠槐

仙塘

一椽自著此山幽蘆葦蕭蕭繞屋頭野老屢來詢姓
字社人相約賽春秋寒山此處無飛鷺白水初傳有
遠鷗病起偶然成獨往冷煙斜照使人愁

稚子

散稿

十

雙雙稚子戲柴關搏土爲人半印錢更過十年那有
此短蓑篷笠種荒田

後坑茅舍

松風颯颯遠回谿遙帶居人竹一籬想自不知雲水
好却令行客立多時

用趙南塘贈黃希聲韻呈南塘

長天漠漠升虬龍龍光鱗鱗涵紫空黑雲忽起瀛海
上白日不照寒郊達九野茫茫路如織我自路絕無
途窮緩商同官琴再撫四顧欲駕班麟風
鳳凰一翥千里論營營鷺鷥爭朝昏黃河波清縱可

待失計已落千秋渾蹇予生居百代後上突筌典窮
珠璣綠圖丹書竟杳冥嗷嗷宋玉徒招魂抱朴子五典爲筌黃

江亭

江亭凭望久野色暝蒼蒼古木浮寒霧空山入夕陽
水流前夜月風作早來詩存作秋霜却笑垂綸者因魚亦
自忙

走佛巖道中

避亂走佛巖依依絕溪水有客六弟昆遮予訪行事
一云分路亡庶或一不死一云相爲命生死同所值

散稿

主

遠逝宿無春近逃寇能至垂涕贈之言此身苦難避
山剽無崖巔兵驕有城市共守固已非分逃豈云是
風聞宜邑郭聚落復煙燬沸鼎無清鱗四瞻誰善地
不辰自至斯乾坤古無際

梅川行

我來蒼山未一日平固屬石城弄兵剽竄邑此時烏合
猶懼官風鶴入耳心早寒來無與角去無捕堂堂墟
邑自來去墮軍長寇那可言初時數百俄數千受旗
翁忽亘千里聚落一爐如捲水就中閨女尤可愁肩
緡背篋步牽牛重重關地搜伏窖謂無白日再天曉

我時避盜逃佛巖親眼見盜循山南紅葛蒙頭履疆
頂縈身錦被翻紅浪招賢三尺又如霜來以巨盾張
朱鎗皇皇我寨神呵護山中澄明山下霧招賢人能
之又習張朱二家鎗法時諸山及寨上皆澄路迷鄺
瑩見盜來往而寨下一逕達賊營霧迷四塞路迷鄺
躡不敢前依依遂犯連湖去六盜飛紅登其巔賊犯
以霧不果遂環山叫呼聲連天紛紛球雪半空落赤
犯連湖入之環山叫呼聲連天紛紛球雪半空落赤
子甘心自投壑人自巖下而死州忘縣邑縣忘鄉
我實自弱非賊疆捐金買靜恐不售詩存作受尸祝鼠輩
拖朱黃何人此日不爲盜已矣獨歎吾生忙已矣獨
歎吾生忙乾坤回首空斜陽

散稿

主

曹庭棟百家詩存傳云履道扶持母妹避亂梅川
梅川令莫公雅嗜詞翰邀登及文士數輩方舉詩
酒會盜旋犯梅川倉皇徙佛巖又徙崆峒一時流
離奔走之苦俱于賦詠間委曲繪出

秋步述所見

趁晴收斷薪破曉循幽浦山寒樹欲風雲重天將雨
兔奔初種畦雞拾糞殘畝葉深樵無蹤水落魚可數
幽草不須生千林秋已素

梅花吟

落日孤煙寒不度梅花忽見橋西樹疏影猶含澗外

雲暗香欲薄山前霧寒死不作女兒面幽絕却懷廊
廟具但知殿後歷年芳誰識詩存攬作健先啟春路初開
寧無仙子來已落尙恐神明護後來紅紫競春風此
已成功鼎鼎去

早起見雪

折竹聲宋詩紀事作風高曉夢驚寒鴉一陣噪冬青起來簷
外無行處昨夜三更猶有星

次琬妹月夕思親之什追錄

緩作行程早作歸倚門親語苦相思白頭親老今多
病不似當初別汝時

田父怨

黃雲百畝割還空垂老禾堂泣喚春償却公私能幾
許販山燒炭過殘冬

野農謠

去年陽春二月中守令出郊親勸農紅雲一道擁歸
騎村村鏤榜黏春風行行蛇蚓字相續野農不識何
由讀惟聞是年秋顆粒民不收上對妻子炊多糴少
饑號啾下堂見官吏稅多輸少喧征求官視田官視田上
詩有有呵吏視金官去掉頭吏不顧內煎外迫兩無
計更以饑軀受笞箠古來邱壠幾多人此日孱生豈

難奔今年二月春重見勸農文我勤自鍾情自苦何
用官司勸我氓農亦不必勸文亦不必述但願官民
通有無莫令租吏打門叫呼疾或言州家一年三百
六十日念及我農惟此日

雨過黃伯厚皆不遇留詩別之

雨過安禪寺皆言尙未歸情知相見近猶欲復來辭
灘淺舟行澀風輕雨下微白雲回首地天濶雨絲絲

冬日

藤果纍纍熟山晴自遠簷斷薪經雨溼野菜著霜甜
詩少客相笑家貧鶴不嫌誰能更惆悵癡坐捲疏簾

玉臺體

兩彎弓月眉端照一朵鬆雲鬢畔歸欲默不能言不
可嬌心無着凭青衣

六曲鴛屏紫玉環寢衣紅地繡雙鸞相思未必君知
我一夜芙蓉翠露寒

行雲一夢去無蹤鳳尾羅衾翠謾重人壽幾何禁此
別海棠花下悔相逢

朱楊冉冉四垂春綠霧低迷慘去程斜日半山煙半
嶺人生不合遇傾城

貴谿有石相背而生俗名之背夫石子謂妻

安能背夫抑夫弃之耳易之曰夫弃石

雙石嶺坑倚雲瘦背立蒼蒼雨成醜不知底事忤夫
君千載春風不回首妾身雖弃妾不冤混沌初開已
相守君與蟠天雲妾亦助君去終當爲霖九地回白
日昭昭此情慄

臨平春日有懷

少年賤生理嗜書彊解事長懷希南風趨數慙北鄙
乾坤雙鬢改日月寸心死誓從鹿豕遊乃復叨一第
兩年三作別雲霧生馬耳臨平二月春花事歸桃李
獨尋處士梅三陂湖邊水一官未得仕畏首復畏尾

誠稿

五

旁觀未知羞自愧已無地懸知簪紱禽擾擾事萬起
終當綠霧中友彼乘龜子南柯不世勲僅足雄眾蟻
史記舜歌南風紉歌北鄙

歎溪流

西山連夕雨漲此百尺渾怒濤響半空氣可飄崑崙
一朝勢力盡枯葦有不能洋洋溟渤寬終古無虧盈

感興

聖域久蕪漫功利時競趨管晏苟有實安必世唐虞
開明周孔心賴有伊洛儒古來正其心平治信有餘
彼哉典午時相師談清虛未知千載人視今又何如

寂寂臥空書憂懷忽無端攬衣亂西澗復此凌西山
春事已無多半銷霜霰間狂風更甚雨時做江南天
寒草昔衰靡及茲秀平阡日晚幽陽生餘光草中妍
徘徊桃李花瑟瑟飄寒煙

別遊天台雲臥往

半月陪杖屨此別情詎忘平生兩知心蹤跡長相望
茲遊天相之簷雨對夜牀旅行得心朋在客如家鄉
如何遽此去泛彼天台航知君愛奇觀赤城有霞光
儻逢五百尊問我今行藏詩骨瘦未改雙鬢塵已蒼

至家

誠稿

五

明時射策難爲合塵世求名本是浮整頓書籤還夜
課增添酒甕與寒謀羞逢山友常低面悔把漁竿不
到頭盡日小樓凝遠望白雲黃菊十分秋

永新道中

冉冉螺川路茲行本不期地平風到疾山僻雪消遲
漸遠鄉人少初行岐路疑斷雲無意緒直欲上梅枝
月

哀哀半規月前日猶盈輪冉冉幾何間光彩倏已淪
至精孰如斯猶不逃虧盈天地亦無根萬化無長存
矧茲寄一形隨天渾渾冥若無重素規誰信天地精

金川早行

著野霜方新照天日未出蒼茫霧氣昏慘淡一片白
吾疑九天外與此同一色

和希聲蓮華樵人遇仙行

蘆溪之山高插天蓮峯更壓蘆溪山峯頭青壁幾千
年誰知玉闕藏神仙平明采樵陳氏子五雲深處樓
臺起中有七仙白玉冠方瞳射人秋月寒臺前一道
白蓮泉七始開花一成蓮固知此子無仙骨祇以徑
徇入仙室低頭乞命却走回尙復攀裳取蓮實歸來
疑信互相傳朴哉此子非妄言安知瓊樓玉室峭千
尺卽非面前崔嵬一片石安知世人俗氣厚如山翻
把瓊樓玉室作石看亦非仙人幻作石世人俗眼自
不識安得鴻都道士白玉簪持我此詩扣青壁

仙塘卽事

山齋臨薄霧徙倚杏花枝獵客驚熊館行人指鶴池
爲貧鋤藥賣因嬾上陂遲林外孤煙起遙知日午時

衡陽贈定父詠常

半世擇交友深知僅數人情親無語忌歲久轉心眞
世亂身難定話長天易晨相逢元不料一笑雁峯春

次蒼山晚出聞汀寇之什

山齋無一事步到白蘋洲灘近溪聲夜雲寒石氣秋
煙塵深冉冉天地入悠悠回首東南路干戈半白頭
寶施清賞夙慕展遊願不從心因成小詠
寶施十里路此日想同遊萬古不收雨四時長是秋
樹寒煙半擁山溼霧長流獨我思歸苦無因到上頭

編中除校注外悉皆本集原註 鼎附識

散稿

太宜秋館

散稿

南城李 通母固校

跋

南宋羣賢小集敝稿一卷題碧澗利登著有家住姑
山下之句卽疑爲南城人而厲氏宋詩紀事云登號
碧澗金川人曹庭棟百宋詩存則題爲盱江人家於
仙塘披尋郡志文苑無有也後讀劉壎隱居通義王
文雷條下有同時鄉里以詩名者碧澗利登字履道
嘗賦玉臺體數十篇尤工長短句以禮記擢第仕寧
都尉重攷郡志選舉表載履道登淳熙元年徐儼夫
榜進士爲利大用之孫一門登進士第者六人皆大
亮子孫門第極一時之盛實爲南城南宋間望族迄

敝稿跋

一宜秋館

今僅七百餘年本邑人士有舉其姓氏而不知者矧
問其著作乎此卷乃作於避亂之時其平生詩文必
不止此惜乎湮佚已不可復求矣履道之詩次琬妹
月夕思親之什爲曹六圃所稱道如沽酒云有錢但
沽酒莫買南山田勾引催租人驚散青松烟卽詩而
觀性情之篤厚胸襟之高逸迥異江湖詩人之比
所刊宋人集凡本朝有刊本者皆在從緩之列履道
爲吾邑先哲顧氏讀畫齋叢書其版雖存惟附刊南
宋羣賢小集版已經散佚流布甚希百宋詩存所選
又非完帙亟付梓人以爲攷鄉邦文獻者之一助云

辛酉仲冬月南城後學李之鼎識於灌城城南世業
堂之西偏

敝稿跋

二

光緒丙申夏四月

芝田小誼

句曲竺四基署檢

嘉惠堂刊